



Navoiy sh. Xalqlar Do'stligi 77 А

“18” Январь 2017 у.(г)

г. Навои ул. Халклар Дустлиги 77 А

№ K-16

Ўзбекистон Республикасининг “Коррупцияга қарши курашиш тўғрисида”ги 2017 йил 3 январдаги ЎРҚ-419-сонли Қонуни ижросини таъминлаш чоратадбирлари тўғрисида

Ўзбекистон Республикасининг “Коррупцияга қарши курашиш тўғрисида”ги Қонуни ижросини таъминлаш мақсадида,

ҚАРОР ҚИЛАМАН:

1. Ўзбекистон Республикасининг “Коррупцияга қарши курашиш тўғрисида”ги 2017 йил 3 январдаги ЎРҚ-419-сонли Қонуни ижро учун қабул қилинсин.

2. Вилоят ҳокимининг биринчи ўринбосари (Раззоқов), вилоят ҳокими ўринбосарлари (Расулов, Ҳамроев, Мусурманов, Садикова), шаҳар ва туман ҳокимлари, вилоят адлия бошқармаси (Рўзиев) ҳамда манфаатдор ташкилот, корхона ва муассасаларга 5 кун муддатда Ўзбекистон Республикасининг “Коррупцияга қарши курашиш тўғрисида”ги Қонуни ижросини таъминлаш юзасидан чора-тадбирлар режасини ишлаб чиқиш ва амалга оширилишини таъминлаш топширилсин.

3. Ҳудудий давлат ва хўжалик бошқаруви органлари, шаҳар ва туман ҳокимликларига:

коррупцияга қарши курашиш мақсадида аҳолининг ҳуқуқий онги ва ҳуқуқий маданиятини юксалтириш, жамиятда коррупцияга нисбатан муросасиз муносабатни шакллантириш бўйича зарур тадбирларни кўриш, бунда ахборот-коммуникация хизматларидан кенг фойдаланиш, хусусан телевидение, радио, интернет тармоғи, рўзномалар орқали кенг тарғибот тадбирларини мунтазам равишда амалга ошириб бориш;

ўзлари раҳбарлик қиладиган тизимлардаги ходимларнинг коррупцияга қарши курашиш соҳасидаги ҳуқуқий саводхонлиги, шу жумладан ҳуқуқий билимлари даражасини ошириш юзасидан зарур чора-тадбирлар кўриш;

жисмоний ва юридик шахсларнинг мурожаатлари тўғрисидаги қонун ҳужжатлари талабларига риоя этилиши, мурожаатларнинг тўлиқ, холисона ва ўз вақтида кўриб чиқилиши, жисмоний ва юридик шахсларнинг бузилган ҳуқуқлари, эркинликларини тиклаш ҳамда қонуний манфаатларини ҳимоя қилиш бўйича ўз ваколатлари доирасида чоралар кўрилиши устидан назоратни таъминлаш;

таълим, соғлиқни сақлаш, ижтимоий таъминот, коммунал хизмат кўрсатиш соҳасида ва ижтимоий-иктисодий ривожланишнинг бошқа соҳаларида аҳоли учун адолатли шарт-шароитларни ҳамда teng имкониятларни яратиш, коррупцияга оид ҳуқуқбузарликларга йўл қўймаслик;

қонун ҳужжатларида ижтимоий-иктисодий ривожланиш ва тадбиркорлик соҳасида коррупциянинг олдини олишга доир бошқа чора-тадбирларни кўриш вазифалари топширилсин.

4. Вилоят ҳокимининг ўринбосарлари (Раззоқов, Расулов, Хамроев, Мусурманов, Садикова), юридик хизмат (Норматова), ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гурухи (Шарипов), вилоят адлия бошқармаси (Рўзиев), шаҳар ва туман ҳокимлари норматив-ҳуқуқий ҳужжатлар лойиҳаларини ишлаб чиқишида коррупция ҳусусиятига эга хавфларнинг юзага келиши эҳтимолини олдини олиш топширилсин.

5. Вилоят Телерадиокомпанияси (Қарчиғаев), Матбуот ва ахборот бошқармаси (Умирзоқов), “Дўстлик байроби” ва “Знамя дружбы” газеталари таҳририяти давлат корхонаси (Жўраев)га коррупцияга қарши курашиш соҳасидаги давлат сиёсатини амалга оширишга, шу жумладан аҳолининг ҳуқуқий онги ва ҳуқуқий маданиятини юксалтиришга, жамиятда коррупцияга нисбатан муросасиз муносабатни шакллантиришга қаратилган тадбирларни кенг ёритиб бориш тавсия этилсин.

6. Вилоят ҳокимининг биринчи ўринбосари (Раззоқов), вилоят ҳокимлиги ташкилий-назорат гурухи (Хайдаров) вилоят, шаҳар ва туман ҳокимликлари ходимларининг коррупция ҳолатини келтириб чиқишига оид ҳатти-ҳаракатлари (ҳаракатсизлиги) устидан тушган шикоятларни қонунда белгиланган тартибда кўриб чиқилишини ва натижаси юзасидан вилоят ҳокимига ахборот киритиб борилишини;

вилоят, шаҳар ва туман ҳокимликларининг мансабдор шахслари ва бошқа ходимларининг ўз зиммасига юқлатилган вазифаларни бажариши юзасидан масъулиятини кучайтиришни таъминласинлар.

7. Мазкур қарорнинг бажарилишини назорат қилишни ўз зиммамда қолдираман.

Вилоят ҳокими

DEVONXONA

К.Турсунов

